

增修萬縣志卷十三

地理志

物產

自唐宋以來萬邑物產史乘書之信而有徵顧亦有志記所遺今昔殊致者舊志穀蔬竹木既不勝書而虎豹熊羆殆非常產縣境舉目皆山在昔荒蕪尙或藏納今則開墾幾盡土沃民稠唯見烟蓑雨笠牛羊寢訛而已民間閒亦從狼獻豹皆境外所竄入故不具錄而畧采具貨類補其物之同有而獨異者殊不
萬縣志

卷十三

地理志 物產

一

多見也

紙 寰宇記萬州產蠲紙

石硯 省志萬縣磁洞產石色黑性堅可作硯

愚按其質堅潤不及端歛硯而勝於他郡石硯遠矣

石中有竹葉數枝形者土人取爲屏心桌面

香 寰宇記萬州產白膠香

金 唐地理志萬州貢麩金寰宇記萬州貢金明統

志萬縣出金

愚按今大江南北水落沙壘見淘金者一聚或數十

百人唯蛾眉積無物色者護縣治故也

鐵 縣境出鐵粵滇逆匪之變萬縣設防城鄉鑄火器皆賴之

鹽 漢書胸忍注有鹽官水經注南集渠流經南浦僑縣西溪夾側鹽井三口相去各數十步以木爲桶徑五尺燒煮不絕唐地理志南浦鹽官二省志鹽廠在縣東一里舊志明長灘舊有鹽井兵燹後淤塞康熙五年陸續報開井共十口

桐油 萬多山故民多種桐取其子爲油盛行荆鄂

萬縣志

卷十三

地理志 物產

二

木棉 省志萬縣產

愚按邑水陸商販向以米棉桐油三者爲大裝行於滇楚

木藥子 唐地理志萬州貢藥子寰宇記萬州土產苦藥子大厯十一年京兆尹黎幹撰方進上云此藥性寒去熱能解一切毒每服之立有應效遂爲常貢九域志萬州產木藥子本草木藥子萬州者爲勝

山豆根 本草出萬州

蘭 蜀都碎事萬縣有蘭曰送春歸四月始花葉長

如帶一幹數十花

紅花 省志萬縣產

紅豆 郡志高士奇天祿識餘紅豆一名相思子花
白色葉如冬青蜀人采其實以爲異飮古詩紅豆生
南谷秋來發幾枝贈君勤采擷此物最相思

藕粉 萬多山多堰故種藕多而粉盛販行遠近

線粉 其細若銀絲其透若冰筋商販行於荆楚

橘柚 漢書胸忍有橘官今縣苾溪夾岸有橘市其
佳者非萬產柚則甘美味不亞於夔柚

萬縣志

卷十三

地理志

物產

二

錦雞 形類雉而不食生物金彩奪目燦若文錦

愚按此卽爾雅鷩雉也郭註似山雞而小冠背毛黃
腹下赤項綠色鮮明山海經赤鷩郭註云卽鷩雉尙
書謂之華蟲

陽雀 金川瑣記綏靖屬遜克宗地有一種雀形如
斑鳩長尾常自呼曰貴貴陽晝夜不絕聲土人目爲
陽雀云係雀王深棲叢莽不喜飛翔日俟羣雀供蟲
豸此雀非蟲不食便遺下活蟲如蟲每夜聞與叫月
子規空山答響倘亦開明魂化耶郡志按此卽子規

也俗呼爲陽雀各處有之

愚按禽經江左曰子規蜀右曰杜宇博物志杜鵑生子寄之他巢百鳥爲飼之杜子美詩生子百鳥巢百鳥不敢嗔仍爲飼其子禮若奉至尊世傳望帝所化土人呼爲雀王殆以此耶

鷹 其形大於隼而性不鷲城內外廟院高樹數株數百翔止每秋冬日暝將集羣飛食頃盤空往復有如列陣

魴 郡志類篇白魴魚名一曰魚肥西陽雜俎黃魴

萬縣志

卷十三

地理志

物產

四

魚色黃無鱗頭尖身似槲葉口在頷下眼後有耳竅通於腦尾末有三刺甚毒據此魴有黃白二種按白魴卽俗所稱肥魴子黃魴卽俗所稱黃骨頭二魚味最美產岷江中

鰈 郡志似魴而鼻長俗呼爲象鼻魚

喜爆 其製繁細其聲烈而遠聞千萬聯續響徹雲霄工材之精不亞錦城